

永綏廳志

卷

十四





永綏廳志卷之十三

營建門四

直隸開州董鴻勳湘齡修撰

公署下屯倉義倉凡例 四條

一永綏廳常平倉惟每年赴司請價發營故不必再言

一屯倉為永綏廳之大政今雖舊制稍歧而收租尚能如常規模自有可觀故詳言之以毋忘前人之勞

一倉厥載屯倉而租將又載屯防屯堡又載碣堡奏疏又有屯防一類分目大繁令閱者頗難尋覓然鴻勳既不欲改易前人面目以蹈蔑古之嫌姑仍其舊例讀者諒之

一義倉乃永綏廳之有實益者每年平糶貸賑惟此之賴故備詳之然以所呈未盡明瞭故猶有恨焉

公署增局所一條凡例見下十四卷

公署詳以第一等真武殿有十餘座

以爲首出也

一、在江大觀觀之直實探管於中其廣皆觀觀生之謂也觀觀之廣以須其大觀即觀

廣廣以廣探探地不爲而廣廣人由目及觀觀古之觀也則生其探探也

一、在江大觀觀之直實探管於中其廣皆觀觀生之謂也觀觀之廣以須其大觀即觀

以爲首出也

一、在江大觀觀之直實探管於中其廣皆觀觀生之謂也觀觀之廣以須其大觀即觀

一、在江大觀觀之直實探管於中其廣皆觀觀生之謂也觀觀之廣以須其大觀即觀

一、在江大觀觀之直實探管於中其廣皆觀觀生之謂也觀觀之廣以須其大觀即觀

以爲首出也

一、在江大觀觀之直實探管於中其廣皆觀觀生之謂也觀觀之廣以須其大觀即觀

一、在江大觀觀之直實探管於中其廣皆觀觀生之謂也觀觀之廣以須其大觀即觀

永綏廳志卷之十三

營建門四

公署下倉廩目錄

屯倉說

花園倉圖

說接溪倉併入

茶洞倉圖

說

掃把倉圖

說

鉛廠倉圖

說

隆潭倉圖

說

尖岩倉圖

說

科耳倉圖

說

窩勺倉圖

說

下寨倉圖

說

董馬倉圖

說附下



鴨保倉圖

說貼上

高岩倉圖

說

排打扣倉圖

說

新倉圖

說附下

排補美倉圖

說

螺螄瑾倉圖

說

窩大招倉圖

說

排料岩落倉圖

說

長潭倉圖

說

義倉圖

說

原捐

接收

現在實存

銀項

錢項

穀項

永綏廳志卷十三營建門四

公署下倉廩

屯倉

原文屯倉僅記其數既未繪圖而說亦未詳嘉慶開屯以來永綏局面一大變其關係之重可謂至矣勳嘗謂永綏六里自

國朝有天下八十餘年而猶屬於土司有名無實之羈縻至雍正八九年周一德王柔李珣遵行化導開闢設官不折一矢不煩日月而遂隸入廳州縣之籍未幾者而修志未幾而建


文廟未幾而開學校六里之民並非土司之壤乃土司之所謂難馴者或保靖或永順僅乃苟且隸之迨及懇誠入

化土司既府縣六里亦廳不二三十年間文物聲明爲各廳之最此其六里之民耳目一新而六里之局面比前之閭閻汶汶者一大變矣自嘉慶七八年開設屯防寸土歸公營壘相間碁布星羅爲中原夏商周後近數千年間未有之局面六里之耳目又一新此諸前之憑恃負固夜卽自視者局面又一大變矣夫屯防之所以成立者以屯倉之歲

收租將者爲之也今屯防之設亦難核實而各倉之收租將者仍能不失其制是則斯倉之重也乃永綏之爲永綏也烏可不圖之說之以爲斯永綏之所以百年安泰者夫衆建諸侯而少其力此漢之所以長安也分北而離其居此虞夏之所以久治也論者不察防維之苦心而或有異論焉此未足以語天下之大計而與謀累世之康平者也至經營倉儲屯長款項所係實爲要任今併記其姓名年月於各倉以昭鄭重八月二十九日



石印公署圖



花園倉說 接溪倉併入其中

一花園倉頭門一棟三間計三柱二爪係嘉慶年間修建兩邊磚牆稍有朽壞現係斗級更夫居住寬六弓丈深三弓丈右邊穀倉三間計五柱四爪係光緒三十年重修計每間寬三弓丈深四弓丈左邊穀倉六間五柱四爪係光緒二十六年黃屯長借款重修每間寬三弓丈深三弓丈自二十六年至三十五年止每年攤還穀貳拾壹石正

一花園倉正屋五間計四柱三爪係嘉慶間修兩邊磚牆正面滿裝板片窗格正中供奉倉神左右各二間係屬辦公所計寬十二弓丈深三弓丈

一正屋後包穀倉一棟五間計五柱四爪每間寬三弓丈深四弓丈


一後坪東邊倉屋一棟五間五柱四爪每間寬三弓丈深四弓丈

一義倉借去後坪南邊倉屋一棟六間五柱四爪寬深同

一育賢倉借去從坪北邊倉屋一棟七間五柱四爪寬深同

一義倉斗級借住後坪倉屋一棟二間五柱四爪寬深同

合計現存叁拾肆間倉屋自頭門外壩起至後菜園牆脚止計深三十六弓寬十五弓經營屯長冉裕華本廳人光緒二十年秋接管掃把倉廿六年秋奉調花園兼接溪倉





茶洞倉說

一茶洞倉頭門一棟三間計三柱四爪光緒二十九年

道憲批准籌款重修中一間八字門牆左右二間均用山砂石圍牆加以石灰粉蓋俱封齊簷口係屯外委官房三間計寬六弓丈半深三弓丈

左右倉屋各五間計五柱四爪係嘉慶年間修建存儲餘穀歷年未儲倒塌二間餘爲車夫斗級居住每間寬二弓丈深三弓丈

一左右穀子包穀倉廩各五間計五柱四爪亦於光緒二十九年重修廩背下方均山沙石牆加蓋石灰其牆及屋之半現用儲每年額收田土各租合計寬十弓丈深三弓丈

一正屋五間計五柱四爪係嘉慶間修建周圍土牆正面板片裝注上裝窗格光緒二十九年因年久撮要補修正中供

倉神左右二間係辦公所計寬十一弓丈深三弓丈




正屋左側屋一棟計三柱四爪係嘉慶間修建現守倉人居住計寬五弓丈深三弓丈

正屋中堂前過廳屋一棟三柱二爪計寬二弓丈深二弓丈

合計茶倉地段自頭門外平壩起至 神座旁邊牆脚止計深四十四弓丈又自

神座墻背起至荒坡坎下止計深十弓丈 又正屋左側後有空地六弓丈深三十弓  
 頭門三間並左右公地合計寬十一弓丈  
 經管屯長楊高年三十八歲本廳人光緒二十七年九月內委管

掃地倉圖





掃把倉說

一掃把倉地址詳至於後二十八弓丈左至右二十弓丈



一掃把倉公館一棟計三間五柱七爪寬八弓丈深五弓丈

左右倉屋各三廩計五柱六爪寬八弓丈深六弓丈

經管屯長彭世昌年五十歲本廳人光緒十九年十一月經管排打扣倉二十二年升調鴨保倉二十六年升調此倉倉有大中小之別故有升調之法由小而中而大云



鉛廠倉圖



鉛廠倉說

一鉛廠倉基址前至後叁拾貳弓丈左至右貳拾弓丈


一鉛廠倉公館一棟前於光緒三十年倒塌三十二年稟准修理一進三間計五柱七爪寬八弓丈深五弓丈尙有大門房門天樓地板待裝

左邊倉屋四厥計五柱六爪係光緒十三年新修寬十弓丈深六弓丈

右邊倉屋四厥計五柱四爪亦係光緒十三年新修寬八弓丈深五弓丈

經管屯長宋承膏年三十七歲本廳人光緒二十五年八月內接管







隆潭倉說

一隆潭倉右邊倉屋四間計五柱四爪係嘉慶間修建稍有歪斜每間寬三弓丈深四弓丈

一隆潭倉左邊倉屋四間計五柱四爪係嘉慶間修建內壞三間現有一間存儲包穀每間寬三弓丈深四弓丈

一過廳一棟計三柱四爪寬十弓丈深三弓丈


正屋三間計三柱四爪係嘉慶間修建兩邊概係磚墻中堂用板片裝注上裝窗格每間計寬三弓丈深三弓丈

正屋右邊屋三間計三柱二爪現每間寬二弓丈深二弓丈

正屋左邊三間計三柱二爪每間寬二弓丈深二弓丈

合計隆潭倉地段自頭門口起至正屋後止計深十九弓丈寬十二弓丈

經管屯長黃守義年三十歲本廳人光緒二十九年八月委管螺螄墘倉三十四年九月調管此倉



尖崖會圖

牆

照


門頭

尖岩倉說

- 一 公館地基周圍寬二十九弓丈深二十五弓丈內 上房三間係五柱七爪寬每間三弓丈深六弓丈後裝板片兩旁兩間前裝窗格上下 均裝天地樓中一間作堂屋無門兩旁屋外並三間屋後均墻垣 過廳屋二間寬三弓丈深六弓丈二柱三爪抬樑兩旁均裝木欄杆 過廳左廂房二間每間寬三弓深四弓三柱四爪係倉兵住前裝窗格後係墻垣 過廳右廂房二間寬三弓深四弓前裝窗格後係垣墻辦公之所
- 一 大堂三間五柱七爪每間寬三弓丈深六弓丈兩旁墻垣右一間均裝板片左一間前空後裝板片 大堂後兩旁走廊長二弓寬一弓左立墻門以上均咸豐初年重修
- 一 左邊倉廩六間四柱三爪深四弓丈每間寬三弓丈另接有屋二間四柱三爪深寬同上係倉兵上宿之所右係墻垣右邊倉廩八間外連房一間均係五柱四爪深五弓丈寬三弓丈兩旁係墻垣
- 一 大樓門一座三柱二爪深二弓丈半寬三弓丈兩旁係墻垣其照壁一座已壞
- 小門一座在左邊二柱一爪深一弓丈寬二弓丈以上係光緒八年重修
- 經管屯長楊正誼年四十歲本廳人光緒二十八年接管




科目倉



平 廠

科耳倉說

一科耳倉屋宇一連二間計四柱三爪寬五弓丈深四弓丈周圍均係公田  
 經營屯長孔學教年二十四歲本廳人光緒三十年十月內接管




窩勺倉說

一窩勺倉左邊倉屋三間計三柱四爪係光緒三十一年五月內修建每間寬三弓丈深四弓丈

右邊倉屋三間計三柱四爪修建弓丈同左

一正屋三間計五柱四爪係光緒三十一年修建每間計寬三弓丈深四弓丈  
合計窩勺倉段自頭門起至正屋後止計深十二弓丈寬五弓丈經管屯長吳棲鳳年四十八歲本廳人光緒二十六年八月內委管排料倉二十八年調管此倉





下寨倉圍圖



下寨倉說

一下寨倉厥六間三間爲一厥每厥橫二丈四尺直長一丈二尺周圍以茨橫長肆丈陸尺直長伍丈柒尺樓門一座辦公室叁間

經管屯長蘇世昌年三十歲本廳人光緒三十四年十一月十七日接管

東

寨皮牛

董馬上

寨裏洞

馬下董

馬董中

干梅子

八里界比



南

吾洞

五里西

八里董馬倉





上八里墪馬倉徵收額租泊官兵統計表

呈開

上八里墪馬倉屯長張世聲年四十八歲於光緒二十八年蒙

前憲吳  驗補屯長三十年蒙

陸道莊  驗放墪馬倉遺缺奉

憲尊諭繪具倉屬地圖一紙泊倉屬土官土兵額租數目立表申明呈請查核須至呈

者並甲明本倉極長闊廣狹數目

計開

土守備一員千總一員外委四員土兵七十九名每年每名發口糧穀二石七斗

徵收田租四百五十一石九斗  土租八石七斗仰發給土兵口糧



倉三間每間寬八尺深一丈二尺

發土兵口糧穀二百十三石六斗螺螄墪營穀二百石發斗給穀二石二斗六除發外



實存穀三十六石四升

董馬倉說(如圖說不再詳)

鴨保倉



東倉




頭門

丈一尺過廳寬一丈五尺寬二丈上房三間共寬三丈三尺深二丈

鴨保倉說

頭門三間共寬  
 三丈深二丈東  
 倉四間共寬四  
 丈深二丈西倉  
 原四間敗壞二  
 間寬深與上同  
 平場長九丈二  
 尺寬四丈五尺  
 大堂二間共寬  
 三丈三尺深二

高岩倉圖



高岩倉說

一高岩倉頭門一間計三柱四爪寬二弓丈深三弓丈周圍均係岩牆左邊倉屋一連九間計四柱五爪每間寬三弓丈深四弓丈內空一間分爲東中兩倉現有一間壞不能



裝穀左邊公館一棟一連三間五柱七爪寬三弓丈深四弓丈正中堂屋供奉倉神左右各一間係辦公所


一上邊前立倉屋四間分爲西倉嘉慶間修建光緒二十九年塌

合計高岩倉地段下抵吳姓土上抵宋姓屋後抵楊姓土坎下立有官學堂一所計三間

經管屯長楊本廉年三十七歲本廳人光緒二十七年十一月委管下寨倉三十一年十月內奉調此倉

排打扣倉

一排打扣倉樓門一棟計三柱四爪係嘉慶間修建周圍概屬巖墻寬三弓丈深三弓丈  
 右邊倉屋四間計四柱六爪係嘉慶年間修建現斗級居二間餘二間作辦公所每間



寬三弓丈深四弓丈

左邊倉屋四間計四柱六爪係光緒二十一年重修每間寬三弓丈深四弓丈

合計排打倉地段自樓門口起至後邊牆脚止計深十九弓丈又自右倉後牆脚起至左倉後牆脚止寬十八弓丈

經管屯長黃有德年三十五歲係本廳人光緒二十八年接管



下九里疆域圖



石花江

貴州寨

子均寨

貴州寨

上九里

界州界

下九里疆域記事表

呈開

下九里新倉屯長章宏貴奉

憲台明諭將所管倉廩坐落丈尺每年出入數目及本人年貌經營年月繪圖立表呈請查核須至呈者

計開

新倉一所計三間每間寬一丈一尺深一丈四尺安置衛城公館左側

新倉征收田租谷八百二十四石三斗四升 土租包谷一百二十四石三斗二升


應解高砦谷四百五十一石七斗四升

應發本倉苗兵一百三十八名<sub>三季口糧</sub>谷三百七十二石六斗

發下季口糧包谷八十二石八斗

除解賢外實存土租包谷四十一石四斗候道憲委員作價便賣解道

屯長武生章宏貴年五十五歲於光緒十二年入屯倉圖詳上






排補美倉

原呈無丈尺


經管屯長錢瀛係武生年三十五歲光緒二十八年接管

螺螄瑾倉圖



螺螄瑾倉說

一螺螄瑾倉屋一棟三間計四柱三爪嘉慶間修建左一間為倉廩 右一間作辦公所  
 每間寬二弓丈深四弓丈 經管屯長冉裕銓本廳人光緒三十四年九月接管



倉坪大路



窩大招倉

窩大招倉說


一窩大招倉住居中寨坐東向

西有公館三間今遺地基


一裝穀之倉四間總數三丈六

尺寬一丈五尺有餘

屯長熊姓本廳人現已更換



批料倉







排料岩落倉

一公館一所三間係四柱六爪坐西朝東每間深五弓丈寬二弓半兩旁裝窗格後均土  
牆兩旁兩間外竹籬相扶中一間正廳前係木板活門

一公館左小倉一間三柱四爪深二弓丈寬一弓丈半依正廳儲包穀




一公館右倉廩三間四柱四爪中抬一柱深四弓丈寬每間四弓丈合計公館並倉地基  
直二十弓丈橫十一弓丈

此倉道光元年所修設下補毫二十七年乾州楊貴兒之變被燬移倉於排料場  
經管屯長楊正德本廳人年四十二歲光緒三十二年五月間接管



永 綏 廳 義


常 平 倉 界





倉全圖  
界路城沿以下門北大

大  
路  
界  
大  
路  
界



頭城存 界壁照館公協綏永



義倉說

永綏廳之有義倉肇始於同治二年七月案奉

撫部院惲札飭通省勸辦義倉限於三月開一律辦畢同知耿維中諭委李鴻柏劉恒魁吳慶餘充當義倉局紳又諭委顏德明王家霈鄒一綬從九劉德俊及各里土備紳團人等發冊勸捐於三年六月十七日出稟計捐得倉斛穀一千一百二十七石收現穀一千零三十石未收齊者九十七石是年通省皆多如限成立

撫部院奏報立案至五年花名冊案本城各里詳記其捐數及實存之數如下

本城捐戶五十二 多者五十石少者四五石

共捐穀柒百捌拾捌石 已收穀柒百陸拾五石 下欠穀貳拾壹石

上五里捐戶肆拾伍 多則龍正太至捌拾石少則叁肆石

共捐穀肆百捌拾叁石 已收穀肆百肆拾陸石肆斗陸升陸合陸勺 下欠穀叁

拾陸石伍斗玖升叁合肆勺

下五里捐戶壹拾玖 多則吳正烈陸拾石少至叁伍石

共捐穀壹百玖拾壹石伍斗 已收穀壹百叁拾叁石玖斗陸升伍合叁勺 下欠



穀伍拾柒石伍斗叁升肆合柒勺

上六里捐戶貳拾玖 多則叁貳拾石少則叁貳石

共捐穀壹百叁拾陸石 已收穀玖拾柒石肆斗壹升陸勺 下欠穀叁拾捌石伍

斗玖升捌合肆勺

下六里捐戶陸拾肆 多則趙列華陸拾石少則叁伍石

共捐穀肆百玖拾壹石 已收穀叁百壹拾玖石陸斗貳升貳合 下欠穀壹百柒

拾壹石叁斗柒升捌合

上七里捐戶叁拾玖 多則貳拾石少則壹石伍斗

共捐穀貳百伍拾壹石 已收穀壹百柒拾貳石伍斗陸升捌合陸勺 下欠穀柒

拾捌石肆斗叁升壹合肆勺

下七里捐戶肆拾陸 多則謝承乾陸拾伍石陸承紀伍拾石少至壹石伍斗

共捐穀叁百貳拾石收清

上八里捐戶九 多則貳拾伍石少則叁伍石

共捐穀壹百貳拾叁石 已收穀肆拾捌石玖斗叁升叁合叁勺 下欠穀柒拾肆

石零陸升陸合柒勺

下八里捐戶叁拾柒 多至貳拾貳石少至貳石

共捐穀壹百貳拾柒石 已收穀柒拾叁石柒斗叁升叁合叁勺 下欠穀伍拾叁石貳斗陸升陸合柒勺

上九里捐戶伍拾柒 多則石昌文至捌拾石少至壹貳石者甚多

共捐穀貳百玖拾壹石 已收穀貳百肆拾壹石陸斗陸升壹合 下欠穀肆拾玖石叁斗叁升玖合

下九里捐戶柒拾柒 多則龍老香捌拾石少則貳石壹石伍斗

共捐穀叁百肆拾捌石伍斗 已收穀貳百壹拾玖石柒斗貳升捌合 下欠穀壹百貳拾捌石柒斗柒升捌合 下欠穀壹百肆拾捌石柒斗柒升貳合

上十里捐戶壹百貳拾壹 多則龍天明捐穀伍拾石少至壹石伍斗者甚多

共捐穀叁百捌拾貳石 已收穀貳百肆拾肆石壹斗肆升捌合 下欠穀壹百叁拾柒石捌斗伍升貳合

下十里捐戶玖拾叁 多祇壹貳拾石其壹貳石者甚多

共捐穀叁百陸拾伍石 已收穀貳百肆拾石壹斗伍升 下欠壹百貳拾肆石捌斗伍升

以上本城並各里共勸捐穀肆千貳百玖拾柒石

已收穀叁千叁百貳拾叁石叁斗壹升柒合柒勺

未收穀玖百柒拾叁石陸斗捌升貳合叁勺內

除經費各項用去穀叁百玖石叁斗捌升柒合玖勺

實存穀叁千零壹拾叁石玖斗貳升玖合捌勺

此同治五年耿任移交王任十月初二日所造之冊同治八年已無穀石十年義倉首事候選府經歷顏德明以虧短詳革追繳派全大受劉理清楊瑞璿李效典接管原管之鄒一俊吳慶餘陳元禮與四人會辦自此歷年清理屢致訟端案繁不及備載今以本年諭飭首事所開呈之賬以存於志庶後來遵守不致良法遂湮耳

光緒二年同知王恂諭委安紳經管每年平糶有贏無絀二十二年又因首事舞弊被控同知劉桐封奉札清釐二十四年同知吳傳綺覆加整頓輪流換委宣統元年爲前署寶慶府訓導吳樹聲候選從九李瑞齡受委辦理



一上年經管人

吳樹聲本廳人五品頂戴歲貢生訓導

張光宇本廳人附貢生

本年經管人

吳樹聲

見上

李瑞齡本廳人候選從九

以上每人薪水全年官斛穀貳拾肆石正

清書一名全年谷壹拾石 斗級一名谷陸石 號役錢陸千文

津貼學堂錢壹百千文

光緒二十九年

年額雜用向章

付鎮標中右營隊目全年茶錢十二千文

付傳帖房全年茶錢二千文

局用紙筆墨全年約一千七八百文

倉神壽期肆千文上下

除歲新春敬神香炮壹千餘文

年額收款

鎮標每年借谷議定息銀每石壹錢庫平息錢一百二十四兩七錢申花平銀一百二十六兩七錢八分二釐

各佃戶耕種本年入倉谷伍拾貳石六斗五升

前首事清賬

收現花平銀伍百捌拾玖兩七錢九分

收龍宋氏借款無着券銀叁拾肆兩玖錢

收賈守備折價票銀拾柒兩壹錢此項陳任准作錢二十七千文

收票明錢壹千捌百肆拾伍千陸百四十文

收契價錢壹千捌百陸拾千零伍百文

收楊復興無着票錢壹拾陸千文

收楊維慶谷價錢伍千文

收存本倉現存谷肆拾伍石柒斗伍升

水經原志  
收各期現谷票計谷叁百三十三石

收光緒三十四年預買中右營谷叁百叁拾叁石

收存借中右營衆兵谷壹千伍百四拾柒石

以上共收花平銀伍百捌拾九兩七錢九分無着借券銀叁拾四兩九錢二分共計銀陸百貳拾四兩陸錢九分

以上共收賈守備折價票銀拾柒兩壹錢此票折錢貳拾柒千文明票錢壹千捌百伍拾千零陸百肆拾文並楊維慶谷價在內 契價錢壹千捌百陸拾千零伍百文楊復興票錢拾陸千文四共計錢叁千柒百伍拾肆千壹百肆拾文

以上共收現谷肆拾伍石柒斗伍升各現期票共谷叁百貳拾叁石預買存中右營穀叁百叁拾叁石供給中右營衆兵穀壹千貳百四十柒石正四共計穀玖百肆拾捌石柒斗伍升

此宣統元年改委李瑞齡會同前派之吳紳樹聲辦理所接收張紳光宇之賬也蓋義倉首事從前四五六人不等而以一人總其成也閏二月初六日鴻勳既履任察閱義倉所存現穀如此數十石之少而市米已漲一千四百文一斗立等平糶全



無儲備深用駭然督同該首事等設法採買極力催趨至發運解軍令催收至五月間乃得集穀開倉平糶至七月而竣事又極力設法採買以爲來年平糶之計一律辦有頭緒核實開支較從前數年皆屬較勝有贏無絀爲益地方者頗大此皆該局紳之力而勦之所以貽惠永人者亦少有一二分之善平糶賑目業已存案文繁不及備載今將實存於八月間者開列於志以詔于後人八月三十日董鴻勳附記

一現存銀款項下

實存現花平銀伍拾兩零柒錢壹分叁釐

存中右營應兌本年市平穀息銀柒拾陸兩零柒分 此銀十二月底方能收得

存借券銀叁拾肆兩玖錢正

以上共實存銀壹百貳拾陸兩柒錢捌分叁釐 又借券無着銀叁拾肆兩玖錢

一現實存錢項

存票明錢壹千捌百玖拾捌千壹百玖拾文 內售糠壳臘底期票錢在內

存契價錢壹千陸百貳拾千零伍百文

以上共實存明票錢並契價錢叁千伍百壹拾捌千陸百玖拾文 又存楊復興無

着票錢壹拾陸千文

一 現實存穀項

存本倉現穀伍拾貳石陸斗伍升

存預買轉宣統二年衆兵義穀壹千貳百肆拾柒石正 此穀於本年十一十二兩月均可全收

存前首事所交尙未核得穀柒拾伍石伍斗正

存本年冬明年春各項穀票叁拾貳石 此票本年十二月內均能向花垣屯倉打穀

存本年借付中右營衆兵穀壹千貳百肆拾柒石

以上共實存谷壹千叁百叁拾肆石陸斗伍升並預買義谷在內 又存前首事未核得谷柒拾伍石伍斗 借給中右營衆兵谷壹千貳百肆拾柒石正

共計谷貳千陸百伍拾石壹斗伍升查營兵借谷自同治十年查辦後每穀壹石息銀二錢後光緒二十二年查辦已經減爲每石壹錢相沿至今

積儲之於民生大矣自井田既廢民多游食之人天災無常歲有流亡之慘近世外

界風潮既激興作繁多游手全集米珠薪桂既事理之常稍有豐年則外人收買以累數千百萬之銀元收數百萬之穀數日之間可以空其人國危矣哉中原雖稱地大物博何以堪此兩湖之間受害久矣雖有阻力羣說其與幾何是以

撫部院岑文告頻坤力籌積儲所以獎勵而誘掖董戒之者無微不至鴻勳既至永綏仰維

憲檄之嚴切俯念民生之關係於儲備一政至爲夙夜傍徨力籌整頓與其新籌而民或不應不如飭舊而民受益到任之初查常平倉既久成具文所恃以平糶濟民者惟恃此義倉耳乃閏二月初間尙祇現穀四十餘石何以濟民而接歲爲之寤寐不安督紳力加籌畫二三月間米貴如珠竟得採買以濟民食此在局各紳之爲也要知百年之計在此儲積其欲存貽最久之策當另圖之以官之考成監紳之經理庶可歷久不敗也



奏爲飭屬勸辦積穀用備荒歉現已辦有成數恭摺

惲世臨

奏明立案仰祈

聖鑒事竊照湖南地方瘠苦民情樸實凡挾貲營運者有多係外省客商其本地居民大率服田力穡以收穀之盈絀爲貧富軍興以來每歲捐輸錢文數十萬串多半糶穀繳捐下游各省販運及各營採買多至貳百數十萬石蓋藏益鮮同治元年四五月間各路米價陡長每石有至五六千文者人情惶懼其時臣署藩司奉

命祭告

南嶽

炎陵

舜陵沿途飢荒情形萬分窘迫有採草根樹皮充飢者有持錢而無處糶米者臣與各府廳州縣勸諭有穀之家通融調濟一面飭各處釐金局免釐招商並由局挪款買米運赴各處接濟稍解燃眉之急幸獲時雨人情稍定復念湖南原屬產穀之區而一遇薄收之年市價即便騰貴良由積儲不講故致空乏易形歲事之豐歉無常則未雨之調繆宜預因於回省後稟商升任撫臣毛鴻賓悉心籌畫湖南常平倉自辦軍務以後實在

應存穀三十餘萬石其中因公動缺穀價存司未領者甚多現在庫款支絀餉糈萬緊勢難籌款買補社穀亦多虧款雖飭追賠而歷年久遠未易彌補足數惟有勸捐義穀庶可收集腋成裘之效當卽札飭各屬勸辦積穀民間心志不齊未能辦有頭緒臣上年履任後嚴飭各屬實力舉行復爲議覈章程無論紳庶一律勸捐每收穀一石抽捐一升至四五升爲止視收穀之多寡爲捐數之增減其收放悉責成公正紳士及殷實良民或建倉存儲或寄富戶均令其出具收存穀切結官爲稽核而整理之遇有荒歉臨時察看情形或酌給孤貧或減價平糶秋後如數籌補通行各屬並委員坐催勒限辦齊取具經收冊結稟報先後據長沙善化湘陰瀏陽醴陵湘潭寧鄉益陽湘鄉攸縣安化茶陵衡陽清泉衡山耒陽常甯零陵祁陽東安道州甯遠新田邵陽武岡巴陵平江臨湘華容武陵桃源龍陽沅江沅陵瀘溪辰谿溆浦乾州芷江黔陽麻陽永順龍山郴州永興常甯甯宜章桂東桂陽靖州會同通道澧州安鄉石門慈利安福永定桂陽州臨武藍山嘉禾等廳州縣稟報所捐積穀已繳上倉者合共穀六十一萬一千二百八十二石八斗八升一合六勺未繳上倉穀八萬九千一百三十四石二斗俟今秋後催繳歸倉等情當飭藩司核實妥議去後茲據湖南布政使司石贊清詳稱查實所



捐穀石其已繳者或另行建倉存儲或分儲公所其未繳者均於今年秋後一律呈繳  
悉歸各公正紳士自行經營不假手官吏以杜侵蝕虧挪並免動糶時需索掣肘之弊  
惟既予冲以經理之政似須予官以查管之權庶幾紳有弊官得而考察之官有弊紳  
得而舉發之權不互侵責有分寄除捐收各冊及經營紳士切結存案外請嗣後此項  
積穀若須動糶一面由紳士稟請地方官轉詳一面卽予碾動總作本地地方荒歉預防  
之用秋後立卽歸補其經管冊結歸入交代州縣官如有交卸另具稽查所存義穀並  
無虧短印結一紙申送院司道府查核平常動碾時若紳士地方官有意見不合互相  
掣肘查明所持之見爲公爲私分別懲辦經管紳士如有侵蝕追賠後擬照監守自盜  
律官照失察分別議辦議處官有威逼侵借照在官求索律究懲追賠此爲南省創辦  
之事雖屬官管仍係民物因恐日久無可稽考應請

奏明立案等情詳請具

奏前來臣查所捐積穀本年青黃不接卽有稟請動碾平糶之處仍約秋後買補還倉貧  
民賴以支持糧價亦因平減業已著有實效惟此項穀石本係民捐民積不特與常平  
倉官物不同卽與報部社穀無異動碾買補等事請免部中行查並免照常平倉例于



出納等事責以冊結咨部俾經收出納者不致疑畏其一切經管稽查列入交代出具另結并官紳倘有侵蝕侵挪等弊分別照例議懲之處應請均照該藩司所議辦理以專責成而杜弊竇至現收義穀自應一律選擇適中處所建立公倉以期經久容俟秋收之後督催修建其已捐之長沙等州縣本年能否續捐應與上年被匪蹂躪及有偏災尙未勸辦之安仁鄱縣永明江華新化新甯城步鳳凰永綏晃州保靖桑植綏甯等十三廳縣統俟秋後察看情形務令分別辦理再行

奏報除將所捐已繳未繳各數目開繕清單咨部備查外所有勸辦積穀已有成數

奏明立案緣由理合會同大學士湖廣總督臣官文恭摺具

奏伏乞

皇太后

皇上聖鑒謹

奏

同治二年舉行此政同治三年出奏立案除十三廳縣不計外已捐六十一萬餘石當軍務未平之際而能籌此實爲善政湖南近四十餘年之受益豈可以數計而立法之

善處處周到若地方官紳奉行能力必有大裨益者鴻勳深以積儲爲居官之要政此摺在同治初年之時喜其立法之善裨益於永綏者至大且久故摺中雖不及永綏而不適專爲永綏計也故詳及之以諭後之君子庶不以斯政爲尋常政事也可

永綏廳志卷之十四

營建門四公署下

局所凡例

八條

知軍民府事直隸開州董鴻勳湘旂修撰

一近年奉

旨立憲局所繁興一切暫立久立之局所不可以無記故於公所中添一子目以記之

一境內有設立之公局如土稅局乃

度支部之支局又川鹽口捐局亦有數分卡在於境內既屬永綏土地之上不可以不記惟所移送有詳畧故記之者有詳畧土稅局既

度支部之支局故以冠首以示尊

京師歸統一之權而次及於口捐局則賓主之意也以次及於地方各局所則以設立之年月爲次序也此目乃勳所增入故詳其例焉

一新政之頒日月以異一章程前後數月卽已迥殊本求詳之意而遂不免紛紜之見今姑就修志時之所據者志之他日若有岐異者乃章程之變動非修志之未詳也  
一一切新政其未及設局者及已欲舉行而尙未成事者一一分條詳及以示永人



一公惠局乃鴻勳之所爲不取於民而貸錢於民間以濟其緩急此鴻勳之愚也然爲永綏自來未有之事蓋如書院育嬰學堂修城等雖則爲民而必先抽費焉惟鴻勳不籌一費而貸此於民詩所謂民亦勞止訖可小休此鴻勳之謂也

一養濟院無告堂向本兩處而後養濟院傾圮併於無告堂無告堂被燬今將無告堂歸併養濟院取院舊基而新造之加擴充焉故加詳焉

一施棺木局所以掩骼埋漏澤園之由作也故記之

一施棉衣處以禦寒衛身昔所以有挾纒之惠也故記之

永綏廳志卷之十四

營建門四公署下

局所目錄

度支部吉峒坪土藥統稅局說緣起

土藥稅說

鹽釐口捐局記

永綏廳警察局圖說

戶籍表

消防表

預算表

職名表

一覽表

碾捐說

育嬰局說

肉捐局說

鹽豆木料局說

猪牛局說

財政局說

選舉調查事務所

諮議局

權限說 初選當選人 複選當選人

地方自治研究所

籌辦地方自治所

論憲政

城鎮鄉地方自治權限說

公惠局諭 條規

養濟院 無告堂 棲流所 化龍池

施棺木局 施棉衣處



永綏志卷之十四

營建門四公署下

局所

地方之治理衆力之爲之也而地方官爲之總匯無論一切關於有益地方之局面爲地方官治理之所藉以觀成或以補益地方官治理之所不及卽如徵稅之局所或徵收之稅似取地方本有之利以轉濟天下之全局非徒無益於地方且其收稅於人取其財利易致人與相爭以自惜其財而地方官既有土地之責任若有事端不能不加保護以使土地上無紛擾之觀而在我土地上之局面亦無失敗之觀則於地方之治理亦有完全之觀於是而地方官之治理乃可謂完全無缺也且不惟此也地方之治理何由而治理哉一廳之界以其小德小賢而受任懼其力不勝也而界之以寬其責任也督撫大臣以大賢大德而受任因其力能勝遠且大故舉直省縱橫數千里至萬數千里而界之以重其責任也其實自

天子視之吾土地也土地之宅吾人民也因土地以奠人民吾政事也故稅局之設於此非以累此地方蓋茫茫禹甸偶其商賈之道之是由耳徵其稅於此地方而不必用之於

此地方非以厲此地方之人而移其利於他地方之人特事理之由此萬戶千門偶由此室而移彼室且如由戶以進於室耳曾何彼此之別厚簿之分哉抑不惟此也地方之治理何以爲治理必曰康平而已百年駒隙千古龍爭治安之說百異其詞若其年豐人樂而謂之康訟衰盜息而謂之平此真鼓腹嬉遊父子夫婦相保而咏歌

聖世其何唐虞之羨而華胥之夢立憲之洲居而月界星界非非想天之慕歎哉然此所謂康非能永綏有年而自保靖秀山松桃乾州之四鄰以及四川貴州湖南及各省可以共占安食又非所謂平者永綏無事而四鄰以及各省可以共慶安居則此徵稅也非以爲養兵也卽以爲賑荒也卽以交鄰自強而使兵食無困也四鄰各直省之康平乃以永綏真得其康平也夫永綏積世承講求政治之地方官百端其舉諸有規模近者恭奉

明詔剋期立憲有政治思想者莫不以爲萬世一時而百政繁興先於理財稅收之法刺取東西然創行非易用爲地方官之困難鴻動故於非地方稅局而一發之其關於地方者不待言而人可言之矣八月三十日

度支部吉峒坪土稅局緣起

距城二十五里或稱三十里之吉峒坪汎設有

度支部吉峒坪土稅局其緣起於光緒十七年分湖南省釐金總局委員候補知縣鄭以蒸於其地創設專收土藥釐金局兼收川鹽稅捐後鹽土或分或合視委員之受任光緒三十年間始改爲兩湖合辦土稅膏捐旋復加入贛皖兩省改爲四省合辦統捐而川鹽釐金移總局於里耶卽委員之委任亦無復兼任者矣未幾又改爲八省膏捐均隸湖南本省三十二年六月創辦各省土藥統稅由

戶部徵收提撥旋戶部改稱

度支部並歸

欽命督辦土藥統稅大臣統轄七月初一日設局開辦本省釐局卽於是日裁撤其本省所設之局既經裁撤文卷携去無存今將該土稅局自光緒三十二年起現辦規則存於志而附其說於圖後以見統稅之章

一土稅局自光緒三十二年七月由江西大挑知縣白士元奉委開辦三十四年九月分省通判潘志暉接辦

一局中專收川黔過境土藥暨本省毗連鄂川黔各廳縣屬本產土稅統轄保靖屬之



里耶鳳凰屬之鴉拉營分卡並保靖及永順屬之王村黔州屬之河溪各支卡兼管水陸緝私營務

計水師舢板二號 宣統元年四月飭裁一號

陸師管帶一員什勇一百名 宣統元年五月添設副哨一員什勇四十名

一局支薪餉每月總局薪水局用支銀貳百伍拾伍兩 里耶分卡壹百壹拾兩 鴉拉營分卡壹百兩 王村河溪保靖各支卡各叁拾貳兩 水師舢板每號叁拾陸兩肆錢 陸營弁勇薪餉舊額叁百壹拾捌兩今增肆百肆拾捌兩肆錢

一局收光緒三十二年七月起至年底止連同分支卡共收銀壹萬伍千餘兩 三十三年全年共收壹萬捌千叁百餘兩 三十四年全年共收叁萬玖千玖百餘兩 一局駐吉峒坪汎營盤之西局房係原來湖南釐局建造出租賃住本廳屬之三角岩及衛城常駐巡勇數名賃民房居駐局甚壯觀乃鄭以蒸所修有八景之稱

原书缺页

原书缺页



土藥統稅說

戶部右侍郎辦理土膏統捐事宜柯逢時 奏籌議推廣各省統捐大致辦法一摺光緒三十二年三月初七日奉

硃批財政處戶部議奏片並發欽此旋經議得原奏大指以鴉片流毒甚廣因思寓禁於徵之法先於土藥開辦統捐後於洋藥籌議加捐總期土藥洋藥按價值以定科則不使畸重畸輕庶商人無所趨避意至良法至美也其辦法分爲六條內洋藥加捐一條查光緒二十九年駐義使臣許珏 奏請加徵洋藥由駐英使臣與英外部商辦嗣英外部覆文謂必須土藥與洋藥一律加徵方能公平商辦上年十二月該侍郎以推廣土藥統捐 奏請續議洋藥稅釐照土藥一律加徵等因欽奉

硃批該衙門議奏欽此此次所議加捐容 臣等妥行籌議歸前案辦理此外各條一統定科則無論何省所產何省所銷局收關收皆定爲統捐銀壹百兩隨收經費銀壹拾伍兩均收庫平其各關向收關平者準庫平折算等語此次推廣土膏統捐於八省之外又合直隸等十省同時並舉管轄既廣統攝爲難必先明定畫一章程庶足泯偏畸之弊該侍郎所奏係本奏定八省土膏統捐章程而損益之均爲確實不易之辦法應請照

辦一內外兼籌此項士藥統捐凡各省向來每年抽收若干應卽全數撥還其新增者乃充薪餉至各關收數應照宜昌關均以近年報關擔數爲定額各省原抽稅捐數目分別撥還其較原額溢出及較原章溢收者稅捐全數提解等語係遵光緒三十年

諭旨辦理惟所稱各關收數均照近年所報全數撥還一節原摺並未指何定年應均以各省關所報三十年分收數爲斷以歸一律又原奏所稱如收數增多而該省或有急需可由各督撫咨戶部通融挪借一節與部臣奏請開辦統捐摺稱他省不得援兩湖兩廣爲例辦法未免兩歧況既奉

諭旨溢收之數另儲候解專作練兵經費的款不得挪移自應遵

旨辦理若聽其咨商通融恐將來漫無限制應請嗣後各省如有軍務急需准各督撫引廣西成案專摺奏請由臣部察覈酌撥其別項用款概不准援案率請挪移以定限制一保護商人土藥統捐一道收清黏給印花執照聽其銷售如有劫案地方官坐視不理一經稟告得實卽行撤任留緝荒僻之處酌量添撥營勇巡船等語其意責在地方官力爲保護與第六條所請獎勵賢能參辦貪邪各節激勸兼施寬嚴並濟所以澄官方即所以恤商力其向所有一切苛細之捐概行停止尤深得立法之本意通飭各省關



局卡一體遵照辦理如有巧立名目藉端需索查出卽行嚴參一禁設煙館查此次辦理統捐意在以徵爲禁且與咨送章程內仍收燈捐一條未免自相齟齬應從緩議其東三省新疆應亦合辦以綜事權而昭畫一等因旋奉

旨依議欽此

一每百斤除去箱篋每百斤再除內皮四斤餘卽作爲淨土無紙包者不准除皮更無折扣庫平十六兩爲一斤每百斤共收正稅經費庫平銀壹百壹拾伍兩

一各土若無執照印花自應充公如將印花收藏未經粘貼土面查驗始行取出或黏貼不固數目錯誤字跡模糊者除土扣留外卽查何卡所發分別究懲

餘條志隘未錄以此二條永之商販之人宜知也


鹽釐口捐局說

光緒二十七年十二月湖南候補張廣淵奉飭在吉峒坪開辦鹽釐每斤錢拾肆文半加價錢四文口捐錢四文鹽釐者卽按湖南百貨抽收釐金章程而拍收川鹽之入湘者也加價者法越之役日東之役每次部章各加鹽價每斤二文以助軍餉者也口捐者庚子之役湖南巡撫籌餉而士紳稟加口捐每斤鹽四文以助軍餉言其鹽人人所



需不啻於按口加捐矣共應每斤川鹽抽錢二十二文嗣因苗疆苦會稟變通奉准每斤暫收錢壹拾文至三十四年八月加收部章四文抵補藥稅宣統元年四月停止仍收壹拾文所以恤苗疆也自開辦後因稅收尙少歸吉峒坪原設之土藥局兼辦歷年漸有起色三十二年土藥

奏歸統稅時鳳凰廳同知張紹焮時辦局事稟准三十三年於保靖縣屬之里另設總局是年二月開局三十四年四月候補知縣劉斌江西撫州人接辦至今有分卡三在廳境 一在吉峒坪 一在弭諾 一在茶洞



茶房

廚房

廁所

寢室

辦公處

案牘房

二門

過廳

裁判處

寢室

走廊

客廳

寢室

警 務 局 圖

頭  
門





永綏廳警察局說

光緒三十三年十月十五日署同知陳蔚章創辦警務編輯章程甚詳今摘其要如下  
一建局以學堂捷經舊址三柱四間四面四照房屋一進局內外堂皇記室兵舍操場一切俱全備日後增招兵額東西城外各設分局一所

一經費

一上水貨捐抽本地客商 此項開辦學堂時已經立案

二碾坊捐抽城鄉有米穀之戶 此項紳民稟請立案

三戒煙局酌提施藥餘款 此項附禁煙案內戒斷併撤

一設置地方官督辦不議薪水 裁判官經歷任之每月津貼夫馬四千元 執行長一

六千元 會議長二各四千元 糾察長二各四千元 庶務長一四千元 以上各

紳均盡義務未開支 支應四千元 係兼任者不開支 文案四千元 係兼辦者

支半 巡查一名三千八百文 警兵十六名凡每名三千六百文 承發寫生一名

一千五百文 茶號共一名一千二百文 門役八百文 伙夫二千文 如門牌簿

籍號衣草帽雨帽雨衣衛生帽呼笛百步燈一功應用器具另款置備

一掌記東西城外局立尋常稟事簿一本書明本日辦何事某處有何案晝夜班如何情形按月送局

一兵制共分十節其第二節言資格又分一年齡二身材三資稟四來歷五生計六保證七規則文多不及載

一地段以城正街萬壽宮爲中心上至西門外校場坪爲西下至東門外浮橋邊爲東各分四段段釘木牌標明 由江西會館門口起下至東門越門口止爲東第一段由此至盧福茂門口止二由此至榨子門砍上止三由此至浮橋邊吳姓門口止四 江西會館門口起至鎮轅門口止爲西一由此至西門城止二由此至七聖坎止三由此至教場坪止四

一戶籍入手以清查戶籍爲先其各里仍由土備團弁照表詳填送局呈核

一消防有火災表可查其餘凡局中各事甚爲詳備志隘不及徧登切實行之固一方之利也今將戶籍火災二表存於志以見其規則之未嘗不詳而奉行爲不易矣

火

災

一 起火時刻

二 火熄時刻

三 起火人住所名氏職業

四 起火原因

五 即行撲滅者

六 全燒戶數

七 半燒戶數

八 燒死或為瓦石墜壓至死者

九 燒傷或為瓦石墜壓負傷者

十 火勢逼迫至入水死者

十一 警察人員救火者



表十二

概要

記載例

- (四) 記明其因洋油或竈火或放火等
- (五) 記明其為警察或救火器人役或人民
- (六)(七) 每一竈算一戶若學堂廟宇等則一棟算一戶
- (八)(九)(十) 記明其為警察或救火器人役 若人民則分別其男女

第五節

火場所轄地之警察局須於火勢撲滅後照左列表式牌示於局門前

熄	火	起	火
	全燒	日午	日午
	點	點	點
	分鐘	分鐘	分鐘
戶	半燒	戶	半燒

# 永綏警務局各項捐款

捐目	額收	開除	實在
一碾捐項下碾戶碾谷	一碾捐項下十二里民	一十二里收捐辦公費	全年收數
一挑加取碾價二文	苗碾戶共叁百肆拾	二成錢全年預算壹	錢陸百零
該碾戶所繳經費即	二所月收捐項錢陸	百伍拾壹千六百八	陸千柒百
係此項查每谷一挑	拾叁千貳百零一文	十二文	叁拾文
須碾出米二斗五升	全年預算額收錢柒	併八	全年
估京斗六斗有奇應	百伍拾捌千四百十	學堂	估收
值錢二千有零於此	二文	經費	錢叁
中捐錢二文尙不及	一百貨捐暨黃豆捐項	局內	百肆
千分之一	下全年預算兩項估	并無	拾千
一百貨項下學堂經費	收錢叁百肆拾千文		
自光緒二十八年十一	公膏項下月抽錢叁		
一月開收三十三年	拾千文全年預算抽		

實 在 收 數 預 算 表

<p>八月內加收警務經費百貨上水照辰卡稅票每千加錢二百黃豆每石加錢五十文</p> <p>一限賣煙膏項下公店膏自三十三年十一月開辦原議除店內一切支用外每月總繳經費錢壹千文</p>	<p>收錢叁百陸拾千文</p>	<p>局 用</p> <p>一戒煙局提出經費四成購製丸藥周濟戒煙貧民全年共提錢壹百肆拾肆千文</p>	<p>文 正</p> <p>全年實應收錢貳百壹拾六千文自開辦僅本年正二兩月收獲錢捌千文充作戒煙局用費警務局分文未收三月分收不成數以後不能靠作的欸</p>
--	-----------------	--	--

以上碾捐貨捐兩項共計實收錢玖百肆拾陸千柒百叁拾文



永 綏 廳 警 務 局 全 年

額 收	額 支	活 支	墊 用
一 碾捐全年共實錢陸百零陸千柒百叁拾文正 一 貨捐全年實收錢叁百肆拾千文 以上兩項全年合計共收錢玖百肆拾陸千柒百叁拾文	一 員紳津貼夫馬項下全年錢壹百肆拾肆千文正 一 司事薪水項下全年共計錢伍拾肆千文正 一 茶號伙夫口糧項下全年錢肆拾貳千文正 一 警兵十六名口糧項下共陸百玖拾壹文	一 糾察長住局一人伙食全年錢貳拾肆千文 一 文案貼紙筆費錢每年共錢伍拾肆千文 一 局內貼紙墨冊費每年錢貳拾肆千文 一 局內煙茶煤紙柴炭每年錢貳拾肆千文	全年實不敷錢貳百貳

年出入數目豫算表

	<p>千貳百文                  以上四項共計錢玖百                  叁拾壹千貳百文</p>
<p>一局內三節敬神賞項                  等項錢壹拾貳千                  文                  以上五項通共合計錢                  貳百肆拾千文</p>	<p>拾肆千捌百柒拾文</p>

永 綏 警 務 局 員

職

務 姓

名 年

限 夫

馬

督

辦

本廳同知陳蔚章

光緒三十三年六月  
到任九月開局

不支津貼

裁

判

長

本廳經歷黃式玉

光緒三十三年十一  
月到任是月入局

每月津貼肆串文

議

長

四品封職張家樂

光緒三十三年九月  
入局

不支津貼

執

行

長

五品頂戴優廩生宋  
澤森

光緒三十三年九月  
入局

不支津貼



紳 職 銜 姓 名 表

紳	職	銜	姓	名	表
糾察長	候選從九向興仁				
會議長	附貢生吳榮				
庶務	試用巡檢童厚培				
支應	候選從九李瑞齡				
文案	附生吉仁恩				

光緒三十四年正月  
入局

每月津貼肆串文

光緒三十三年九月  
入局

不支津貼

光緒三十三年九月  
入局

不支津貼

光緒三十三年九月  
入局

不支津貼

光緒三十三年九月  
入局

每月津貼肆串文

警務局自光緒三十三年九月十五日起至

<p>收數</p>	<p>一黃豆經費錢陸拾叁 千九百陸十九文 一百貨上水經費收錢 壹百捌拾捌千肆百 叁拾二文 一碾捐收錢伍千捌百 捌拾文 一陳任捐錢肆拾千文</p>
<p>創用付數</p>	<p>共 付 錢 壹 百 陸 拾 陸</p>
<p>局用付數</p>	<p>共 付 錢 伍 百 叁 拾 貳</p>
<p>墊用數</p>	<p>一借墊勸學所錢壹百 陸拾千文 一借墊立大榮錢壹百 叁拾陸千玖百四十 文 一借墊李和記錢壹百 零叁千陸百柒拾叁 文</p>

三十四年二月月底止收付數目一覽表

以上四項共收錢貳百

玖拾捌千貳百八十

一文

千 柒 百 叁 拾 肆 文

千 壹 百 陸 拾 壹 文

以上三項共借墊錢肆

百千零零陸百壹拾

四文

卷之十四 局所

十五



碾捐說

鴻勳既履永綏任前政移交碾捐上控案數日之間求免之稟紛然出則攔輿於道或數十人詢諸局則四五月無繳捐者矣又僉以免則警政不可支附生老成而能任事者劉青雲其德既優其才亦深沉而開展乃委以親赴各里徧加考察臨行以各投訴之稟授之曰老寡而貧者免碾壞不能修復者免其存而當輸者酌減之

朝廷之推行要政以爲民也蓋先恤民劉生應之甚敬厥事一騎一僕惕惕焉就道勳見其執事之敬知其必有以成適因公下里遇生於途甚喜其能任勞生乃先試行於上六里下五里走龍潭古老洞裡太陽山與諸碾戶語皆樂從及至上下七里上下八里亦應手至上下九里十里苗地極邊離城較遠言語多難曉達投訴之稟其名半伯詞雖乞哀意則難料生與土弁親蹈各碾或用語言相漫或似含憤難伸生若無覩者回寓則傳各碾房齊至男婦雜沓五十餘人旁觀者甚衆老成者互相辨論青年者盛怒以待生出與座相親洽久談家常漸及年歲漸及時世座中一婦年約六十生卒然問曰汝開碾乎對曰然夫何不至曰早喪子何往曰已沒惟與弱媳守一孫石昌玉耳又一老翁年七十餘爲吳霸留雙目已瞽室無他人與一鰥弟同守一碾生慷慨而言曰鰥

寡孤獨仁憲最憫新政大興恩膏徧及子其歸焉勿復留此碾捐不及爾曹也老婦與吳翁皆頌德不置再拜而歸衆碾戶相顧色動爭告艱苦生一一開導減則酌免斟酌盡善向之辨論不休者莫不欣然色喜俯首唯命計二十餘日周歷十二里而累控不休數月不繳之碾捐一旦五月齊繳欣然之情樂輸恐後遂以成警務有着之欸夫地方官身守土爲民父母故稱親民之吏然地方官雖非方面之任大責重豈能於兵農刑政百端待理之身而有暇日以親問民疾苦且轎車偶至接洽未周呼騶已過顧安所得如劉生青雲者之能解事能耐勞能了事石氏老婦吳姓老翁之鰥寡貧苦僅一碾以餬日不必賃而猶節其忍飢耐寒之數錢以養此新政之警兵乎此則地方官之所瞿然不安者也特非劉生青雲之不惜勞苦又能體貼何以真知灼見而竟與白諸官以免捐乎此則勳之遲迴三月不差追不嚴迫從容一二月而卒探真情如此其餘所免減者不徇情而惟其景況與其不能修復者另立花名詳冊存卷今存每里之總數於志以示毋忘要知此孰非民膏民脂徒言節省者固今時事所不能而任其事者務求真有益於民以消防而衛生乃爲不素餐之君子矣否則盤中之餐粒粒辛苦高談公德而先求私利焉是則君子之所不取也讀此者毋徒以警察碾捐一端視之



斯可也此說中間多探劉青雲所呈以其言信故裁酌而存之

下六里碾坊三十二架局紳劉青雲經收每月應繳經費錢五千一百文今減一成除錢五百一十文每月四千五百九十文 其已注銷全免者不計下同

上六里碾坊十四架土守備石萬明經收每月應繳經費錢二千一百五十文今減一成應繳錢一千九百三十五文

下五里碾坊九架土守石仕清經收每月應繳一千六百七十文今減一成應繳一千五百零六文

上五里碾坊二十九架土守備龍在雲經收每月四千三百一十三文今減一成應繳錢三千八百八十二文

下七里碾坊三十七架土守備楊時中經收每月三千八百三十文今減一成應繳三千四百四十七文

上七里碾坊三十二架土守備劉光瑞經收每月四千一百文今減一成應繳錢三千六百九十文

下八里碾坊十二架土守備石文華經收每月二千四百三十文今減一成應繳錢二千



一百八十七文

上八里碾坊十三架土守備麻文受經收每月一千六百二十文今減一成應繳錢一千四百五十八文

下九里碾坊三十四架土守備麻嘉林經收每月八千一百五十文今減一成應繳錢七千三百三十五文

上九里碾坊四十八架土守備龍在梅經收每月五千四百八十文今減一成應繳錢四千八百八十二文

上十里碾坊三十五架土守備吳朝瑞經收每月四千四百八十文今減一成應繳錢四千零三十二文

下十里碾坊十六架土守備石成基經收每月一千六百九十文今減一成應繳錢一千五百二十一文

以上十二里碾坊共三百零四架每月應繳碾捐經費錢四千零三百六十文合計一年應收錢四百八十四千三百二十文

一碾捐耳歲得不及五百千文碾戶至三百零四架合計每碾戶年祇一千數百文鴻

勳之所以再三審慎委紳詳察而數月後乃敢定局以爲告於上官而定案焉今以世俗之論譁囂之言視此四五百竿若不甚惜且助之費不啻助之亂而烏知輸將者如此之難催收者如此傍徨四顧屢核而後成局故鴻勳於經費所在視之至重有保存而無損去此在他處或可輕視在永綏廳未可輕視故於碾捐一欸親手料理局面雖小而傍徨者數十寤寐而後安也事固無大小之別也費固無多少之別也有心人顧念

國計深維民生發議不易而實行倍慎其知之哉

育嬰局說

育嬰緣起已見原文今行章程每年冬春兩季自屯收支經管項下撥穀一百一十七石六斗夏秋兩季撥包穀七十八石四斗以濟乳婦口糧歷年相沿冬春季以十月夏秋季以四月今本任冬季尙未刊姑以夏秋之賑存於志

宣統元年四月分局紳張家修造報四柱清冊

一舊管 前月存錢十七千二百八十文

一新收 屯防夏秋二季包穀七十八石四斗照屯防變賣每石價三千六百文扣錢二百八十二千二百四十文 張手售六十三石四斗正扣錢二百二十八千二百四十文 劉手拾伍石扣錢五十四千文此項歷月開具 春夏二季彭萬順屋租地基錢四千元

一開除 發育嬰乳婦四十名付去錢二十千文 發首事二人薪資錢四千元 廟祝茶錢二百文 此三款月月如是他無甚支欸  
一實存二百七十九千三百二十文

以下每月存發以次相銜惟入欸以冬夏季具報有案



重整育嬰堂記 丁丑十月

王 洵

永綏舊有育嬰堂額定乳婦四十九名月給米歲給布悉取資於屯防租內爲日既久百弊叢生公費既減而又爲胥吏蝕食堂屋賃作民居官取其息歲給工食二次婦女羣集廳署或抱他孩兒以邀賞名存實去由來久矣予甫任事卽聞有棄兒道路饑凍以斃者心悲之集紳首議迄無成說遲廻久之旣而檢閱舊冊歲得穀一百十七石雜糧七十七石遂手定章程懸之通衢有生子女而貧不能育者悉以告耆儒彭秀英篤行君子也俾任稽查責應育者註之冊給以小衣命其母自爲養贍月給緡錢五百周歲而止復入於幼丁冊內予以名糧一分三年而滿行之期年邑無遺孩都人士以爲便予曰天下事官爲經始則可久則必敗且費不充行不遠時適有謝姓充公田產歲入租四百餘石予取五十一石以增育嬰費擇二明經一曰鄒姓一綏一曰宋生潭鏞舉一切章程畀之使爲總理歲終則稽其出人而告之官先是彭君老而貧予以屋租賃其薪水時彭君已殞命其子寶樹隨二生後以繼父職嗟乎古昔盛時老有所終亦幼有所長無一物不得其所泊乎後世恩情日薄湘省風俗生三女則溺之永廳雖無是習而貧苦之極遂至父母忍棄其子良足哀矣是舉也予極兩載之力而成之二生

篤誠好善其必能體予志也勉之

育嬰經費租穀屋息歲值錢三百餘串文久充廳署規例師悉舉以歸公惟時牛費亦皆裁革雖缺至瘠不計也於此亦足見其所守矣豈惟德在嬰兒哉門人姚修業謹註

### 肉捐局說

光緒二十一年署同知劉桐封稟准創辦局設本城乾元宮每猪抽錢一百文所收得經費作添發本地育嬰並辦理保甲及各公益之事工二十二年同知董仲孚稟請整頓加添育嬰額三十名年需經費二百四十千文（查二十一年十二月奉 巡憲批董任稟賣抽收肉捐鹽捐以作育嬰書院各經費即稱前任劉丞云云未知是否二十一年所創今無卷可核祇憑該局所呈云又原額育嬰究係若干未見批文核照每名乳婦六千文所云惠及嬰孩者僅六十千文當及十名之額今上原文所列之育嬰乃屯防內之育嬰與此加添之額自是兩事抑加者乃加於屯防四十名之外耶又以四六相乘則似於本有十名之外再加三十名故係需費二百四十千文）今將董任改定認捐及育嬰章程列下以存其跡



廳城各屠戶每年捐錢八十千文

吉洞坪三十六千文 會保場二十二千文 衛城場十六千文 隆團場十二千

文 排料排碧八千文 茶洞場三十千文 弭諾場十六千文 貓兒場八千文

鴨保場八千文 排打扣場二千四百文

以上共捐錢二百三十八千四百文

### 育嬰章程

一本城各場屠案每年共捐錢二百四十千文新增育嬰三十名照屯防每月給錢五百文下餘六十千文作為初報者衣片錢遇閏月在六十千內扣給

一報育嬰者本人具稟取結局查係赤貧無論有缺無缺先給執照赴府領衣片錢一千文彌月後二日抱驗註冊以次接補控報枷責領項保賠已亡者停

一每月初二日發口糧初三日補發一次再不到次月初二日補仍不到即注銷另補並  
前於三日榜示每月將乳婦開具四柱冊報府存案

其後劉董再任皆經整飭二十九年同知吳傳綺開辦學堂提歸學堂改章局設塘門口油艸局內今現行章程乃其時所定特詳之



經管人 每月薪水六千文均盡義務未開支

童厚基光緒二十九年至三十年候選從九品

童厚培光緒三十一年藍翎五品銜候選巡檢

李瑞齡光緒三十二年候選從九至今

### 局用

全年紙墨錢一千數百文 局書每月工食六百文 局丁一千五百文 查河八百

文 走各鄉場一千文伙食二千文 調查碾捐紳提發夫馬鏡二千文

### 新章

舊章過道下河皆照繳每肥猪一隻錢一百文新章本地下河松莪過道之猪亦分架  
中肥三種各城鄉各場皆包定

一本城內外每天抽經費錢八百五十文 內除發局丁錢五十文收入局內錢八百文

一吉洞坪場每月錢六千文 茶洞五千文 衛城二千六百六十八文 貓兒一千三

百三十二文 鴨保一千三百三十二文

會保三千六百六十八文 弭諾三千文 龍潭二千文

架猪一抽錢七十文 中猪一百文 肥猪一百四十文

一光緒二十九年正月月起十二月止共收經費錢六百四十五千三百三十文

共付去錢六百四十五千三百三十文

三十年共收五百八十二千一百一十六文 付同

三十一年六百五十一千三百零三文 付同

三十二年七百零一千七百七十八文 付同

三十三年六百八十八千五百一十三文 付同

三十四年六百九十二千八百五十一文 付同

宣統元年正月月起至七月止四百零二千九百六十七文

自光緒二十九年正月月起至是七月止總共收經費錢四千三百六十四千八百五十八

文 共付去錢同



鹽豆木料局說

光緒十七年同知董仲孚准商民立大榮等稟弛黃豆出境之禁每石捐錢一百文以助城工經費另添二十文以爲支用麥子同嗣以工費不敷又於洋藥每挑裝運下河捐錢一百文工竣按年分爲十成四成歸學中季課月課獎賞之用四成充育嬰經費二成積爲歲修城垣衙署之用嗣二十一年貢生楊正倫稟准抽收鹽釐奉駁董任旋定抽收五年後准該商子弟人藉考試係由該鹽商仁和福仁福桂王德生劉永泰等每年繳錢二百千文二十四年同知劉桐封奉

撫學憲札飭變通書院課程以求實材設立保衛局仿照省城抽收煙燈捐及原有煙豆捐肉捐先行後停每斤茲加一百五十文餘仍照舊規又據教職楊登甲等稟請抽收貴州松桃上游一帶過城河灣泊運往下河販賣或在本地出售之木料一緡收經費錢四百文大壽枋一付二百文小一百二十文先是董任鹽捐開辦一年之後因入藉考試貢生宋澤鏞稟請停收免考而止至此乃照保靖每包一百四十文之數減定爲每包一百文按包抽收仍准入藉考試二十五年又經劉任稟停木料其餘各捐均規復舊章在案既二十七年同知吳傳綺興辦學堂乃改今章今詳如下



歷年經管人 薪水月二千文 王吉外皆未支

宋澤垣歲貢前桂東縣訓導

姚建城附貢

王國珍附生

童厚基從九

楊開化監生

宋澤潤佾生陞用通判湖北候補府經歷

宋澤惠歲貢署永順縣訓導兼署府教授現署臨湘縣訓導

陶伯源從九

姚修輔從九

吉仁恩附生

稽查一名月薪一千二百文 提獎無定

局書一名月費一千二百文 提賞無定

局丁四名月工食一千文 同

分局西關外今裁

黃鎮南武生軍功

吉洞坪光緒二十七年初一日起

徐得勝軍功

茶洞起日同

楊仁泰

弭諾起日同

吳敬簡 以上三局仰該局所收得經費提一成以作薪水

局丁各一名月工一千文

舊章

豆子每石收經費錢一百二十文 每石提二十文以給各行商人麥子同

川鹽每包一百文 淮鹽每簍八十文

木料每排四百文路過折半

肥猪每隻一百文架猪折半

洋藥每石一百五十文今裁

新章

豆子每石收經費錢一百七十文內五十文另委紳收助警務局用

木料每株收經費一十文路過折半

以上仍與鹽合辦其猪隻合牛羊另委紳收自光緒二十九年二月初一日起此局並設塘門口油鹽局內

總計光緒二十四年起據該局所報

光緒二十四年閏三月二十八日至十二月三十日止共收經費錢一千四百三十一

千七百七十六文 付去十數下爲二千五百四十二文

二十五年收一千一百一十六千六百四十二文 付一十下爲二十二千一百九十一

文

二十六年收六百四十二千零零五文 付多二百十五文

二十七年收六百五十千零八十四文 付五百四十三千四百一十八文

二十八年收七百九十二千九百四十四文 付八百一十千零百八十一文



二十九年收四百四十七千三百八十一文 付自七下爲八千二百零二文  
三十年收四百二十八千六百一十七文 付五百一十一千二百六十三文  
三十一年收五百五十四千四百九十五文 付五百零七千四百五十三文  
三十二年收七百五十二千六百二十三文 付七百四十三千六百零五文  
三十三年收一千零六十八千八百零二文 付一千一百零四千零五十二文  
三十四年收六百三十九千三百五十五文 付七百二十四千九百二十七文  
宣統元年正月起至七月止收三百六十九千九百一十三文 付三百六十八千八百二十四文

綜計統收八千八百九十四千六百三十七文 付八千九百四十四千零七十四文

此上數目係據該局所報而裁正其文法其參差之處不侈故仍之

猪牛局說

光緒二十八年十一月間同知吳傳綺興學籌費開辦猪牛羊捐先行於太平場會堡場凡黃牯牛每隻一百文水牛一百二十文黃牯牛入十文 大猪每隻四十文 小猪二十文 猪兒一十文 羊一十六文 以次及於各場或抽或包乃成今章如下  
經管人

姚建城見前 陸永樹廩生 三十年春管

童厚培見前 三十一年秋八月接管

王國珍見前 三十三年夏六月接管

吉仁恩見前 今現

吉峒坪場即太平場設汎城外逢場猪牛之市最盛設總散經紀以司其平年包經費一百八十千文按四季繳四人經手

會堡場即麻里場在上七里萬山環繞中一峯形如文筆爲永綏之勝境場列山峽祇茅蓬數十座而爲永綏最大之場每期常萬餘人道通乾鳳猪牛六畜之市甚盛亦設有經紀年包經費一百五十千文四個月一繳分爲三季三人經手

衛城場在上九里猪牛亦有經紀年包叁拾叁千陸百文一人經手月繳二千八百文  
弭諾場在上五里界黔邊猪牛羊有經紀亦月繳二千八百文

貓兒場在下五里最盛者桐茶木油其次乳鴉小猪牛羊甚少一人經手年貳拾捌千  
捌百文按月繳貳千肆百文

五場共收錢肆百貳拾陸千文

局紳二人薪水各壹千陸百文 局丁一

局工壹千文火食壹千零肆拾文 下鄉十三天每天八十文

局用紙筆月二百文

以上月支共五千四百四十文 年共支十五千二百八十文

除付實解財政局二百六十千零七百二十文

財政局說

又自劉董各任設有經費局以司經費之出入今經費總局則卽油鹽局而近年另設  
財政局以司各經費之賬與學堂之支領未特設局前政委候選巡檢童厚培任之今  
如之以其既未設局又皆各局已收之費故不另記而見於此



選舉調查事務所

附設於原立之師範館自光緒三十四年欽奉

懿旨頒行立憲九年之限宣統元年各省均應舉行諮議局選舉及籌辦各州縣地方自治研究所並頒行資政院章程等事本省奉文後設諮議局籌辦處通行各屬遵先設所於舊日之師範館選派紳士分途調查選舉資格凡有曾辦公益三年附生以上之出身五千元之家資曾經中學以上之畢業憑照等卽可以選舉權而選舉人惟平須在二十五歲以下有不合資格之八條如犯徒罪以上及沾染嗜好者品行悖謬者皆不得任此事派員分途調查此項資格陳任本任共得七百五十名每選舉人一百二十一名得選舉初選當選人一名永綏得六名全境共分五區投票於五月二十日在所開票四月二十五日再行開票初開票得五人再開票得二人

吳樹聲號仁風年五十六歲住本城歲貢生前署寶慶府訓導得柒拾貳票

崔維珍號玉亭年五十五歲住本城歲貢生試用訓導得柒拾票

麻恩綸號錫九年三十七歲住下九里葛籐寨團務三年得陸拾玖票

姚連城號曉樓年五十歲住東門外附貢生得六十八票

石如玉號朗山年五十二歲住瓦水舉人前任衡山縣學教諭得陸拾叁票

龍深清號鏡秋年四十二歲住上五里斗拱寨舉人再投開票得貳百柒拾五票

石如珪號璧臣團務三年住蒙碧寨再投開票得壹百貳拾柒票

本廳投票無不到者故以一除人名册折半計算應以六十二票爲合格再投票不計前數

石如珪作爲候補當選人各給執照未幾如建城病故以珪補之赴永順府復選六月二十一日至二十五日舉行復選投票開票合永保龍桑吉丈坪廳永綏廳應得議員四人以赴省入諮議局充當議員以五人舉一人爲合格永綏得一焉給資入省備議員焉

復選當選人

吳樹聲見前

所用四百千文之經費係奉省發各章程具有定本各處通行而明其權限如下

諮議局權限說

諮議局於宣統元年九月初一日成立設於長沙省治而先於正月以來省憲行各府



廳州縣選舉議員章程甚繁而權限所在永人或未盡知宜說明之其宗旨在指陳通省利病籌議地方治安局額議員湘南八十二名議長一人副二人常駐議員十六人書記長一人餘四人所有該局職掌如下

一議決本省應興應革事件

二議決本省歲出歲入豫算事件歲出謂所用經費歲入謂所收款項豫算謂於前年先開清單以核其可否也

三議決本省歲出入決算事件決算謂既用既收之後更開清單而復核之猶商業之查帳也

四議決本省稅法公債事件 稅法謂徵收租稅之款目及方法也公債謂地方因財用不足而舉債也

六議決本省單行章程規則之增刪事件本省單行者所以別於全國之法律也

七議決本省權利之存廢事件

八選舉資政院議員事件 諮議局議員中選舉十分之一爲京師資政院議員

九申覆諮政院諮詢事件



十申覆督撫諮詢事件

十一公斷和解本省自治會之爭訟事件

自治會謂府縣城鎮鄉之議會也

十二收受本省自治會或人民陳請建議事件

凡議長副議長均與各議員同三年爲滿惟常駐議員以一年爲滿仍同尋常議員每年開會一次自九月初一日起至十月十一日止凡四十日必須接續會議者得延長會期十日以內此爲常年會其臨時會惟遇有緊要事件經督撫之命令或議員三分之一以上之陳請或議長副議長及常駐議員之聯名陳請均得召集以二十日爲率議長於開會三十日以前將應議事件通知各議員至會非有半數議員不得開議督撫有停會之權以七日爲限有奏咨解散之權重行選舉兩個月內集開會地方自治研究所

卽選舉調查事務所改設光緒三十四年十二月二十七日民政部奏城鎮鄉地方自治並另擬選舉章程一摺經憲政編查館核覆奏奉

上諭允准以地方自治爲立憲之根本城鎮鄉又爲自治之初基誠非首先開辦不可着各

省切實舉行地方自治乃輔官治之所不及仍統於官治之內並非離官治而獨立之詞周之比閩族黨漢之三老嗇夫其來自古惟選舉自治之職員責在州縣而選擇州縣責在督撫官紳皆得其人方能有實効而無流弊湖南諮議選舉後即以諮議局籌辦處改爲地方自治籌辦處通飭各屬以選舉後改所爲地方自治研究所未幾卽改爲籌辦地方自治所一切章程條款皆經頒行惟其章程有議事會董事會之辨其所議所行爲修道路橋梁育嬰官醫地方有益之舉

惟天生民有欲無主乃亂惟天生聰明時憲惟臣欽若惟民從乂又曰庶民惟星星有好風星有好雨甚矣民之必從上之所治也如彼築室於道謀是用不潰于成罔以辯言亂舊政惟口起羞惡利口之覆邦家者惟斷乃成然則民之言之難恃也如此今自朝廷明詔立憲海內政治一新議員之設出於選舉採自各府廳州縣而聚於省爲諮議局員聚於都城爲資政院其導民以言也至於如此而特新說者以爲

國家萬年有道之基在此有道者以爲綱紀之倫攸斂攸歎亦皆在此鴻勳昏昏從事奉檄而行之平時議論萬端下筆千言至此事之真是非迄無真見於胸不敢爲欺人自欺之談夫古之導民之言者憲法古義常詳言之以設鐸懸韜置敢諫之鼓致善言之



六經屬志  
旌又曰防民之口甚於防川又曰天視自我民視天聽自我民聽又曰衆人如聖人吾不知惡民惡好民好從何見之是必於其言見之抑於衆人之言見之吾又安知其不於貴賤之合之言見之然則立憲之首議院其果爲長治久安之法何以東西立憲而必經大亂之後又至今炸彈紛然人有危心倫紀之間倒置漠視苦無蕩蕩平平之樂如中國之寬征薄賦千里平行較爲逼迫爲不安矣又自三代立法日詳今觀周禮之書其爲憲法之至精矣觀三傳諸子之言周禮固未嘗不行執玉之高卑俯仰遂定吉凶法可謂備矣可謂久矣而卒無救周之弱列國之亂以至於秦之大亂人倫幾亡然則今欲以法治國自鳴者其果有無弊之法乎然則立憲之是非可一言決曰有雖麟之精意而後可以行周官之法度今

聖天子修身明德以化天下天下臣民崇經術敦大本同心同德以翼載

一人則立憲之法固可收舉衆一心之益否則以此爲抗上以此爲自私以此爲黨派爲根據造亂之具則天下之事可謂寒心又中國四千年之局豈無善之可觀必欲一切封而固之固所不能一切舉而棄之實亦非善變法動欲以中國治中國故不薄古人欲以今日治今日故亦不薄今人則區區維持之心如是而自比於古之有心人耳



城鎮鄉地方自治權限說

地方自治名義未深考究者以爲放逸縱肆之據故宜說明之所辦者乃地方公益事宜由地方公選合格紳士受地方官監督辦理其治城所在爲城市鎮村莊屯集等地方人口滿五萬以上爲鎮不滿者爲鄉因其固有之區域爲準鄉至五萬五千以上鎮不足四萬五千可以呈由地方申明督撫改移此次開辦先未有界者地方官確分申核城鎮鄉區域倘彼此爭議具草案移交府廳州縣議事會議決之其城鎮鄉自治事宜有一定之範圍詳下

一本城鎮鄉之學務 中小學堂 蒙養院 教育會 勸學所 宣講所 圖書所

閱報社 其他關於本城鎮鄉學務之事

二本城鎮之衛生 清潔道路 蠲除污穢 施醫藥局 醫院醫學生 公園 戒煙

會 其他關於本城鎮鄉衛生之事

三本城鎮鄉之道路工程 改正道路 修繕道路 建築橋梁 疏通溝渠 建築公

用房屋 路燈 其他關於本城鎮鄉道路工程之事

四本城鎮鄉之農工商務 改良種植牧畜及漁業 工藝廠 工業學堂 勸工廠改

良工藝 整理商業 開設市場 防護青苗 籌辦水利 整理田地 其他關於  
本城鎮鄉農工商務之事

五本城鎮鄉之善舉 救貧事業 恤嫠 保節 育嬰 施衣放粥 義倉積穀 貧  
民工藝 救生會 救火會 救荒 義館義塚 保存古蹟 其他關於本城鎮鄉  
善舉之事

六本城鎮鄉之公共營業 電車 電燈 自來水 其他關於本城鎮鄉公共營業之  
事

七因辦理以上各款籌集款項等事

八其他因本地方習慣向歸紳董辦理素無弊端之各事凡所列以上之事項有專屬於  
國家行政者不在自治範圍之內公定自治規約不得與頒定章程及他項律例章程相  
牴牾所設罰則以罰金及停止選民權爲限罰不得過十元停不得過五年云

其自治職員城鎮設議事會議員以二十名爲定額滿加五千以上增一員至六十名  
止鄉設議員人口不滿二千五百議員六名上至不滿五千者八名其餘增至十八名  
爲止有議長副議長各一名同時父子兄弟及充城鎮董事會總董或鄉董鄉佐者不



得充之

城鎮董事會 總董一名董事一名至三名 名譽董事四名至十二名董事以議會議員二十分之一爲額名譽以十分之二爲額鄉設鄉董一名鄉佐一名以本鄉選民公舉核用

其經費所出

一本地方公款公產 一本地方公益捐 一按照自治規約所科之罰金 公益捐分二種一付捐就地方官徵收之捐稅附加若干不得過原數十分之一 一特捐於官府所徵捐稅之外另定種數名目者爲特捐

凡以勞力或物品供給辦理自治事宜之需用者得計其相當價值以特捐論公益捐興止由議事會議擬章程申請地方核定城鎮鄉由地方官發給本質圖章由督撫定式至上地方官文用呈地方官卡所用諭城鎮議事會與府廳州縣議事會董事會互相用知會至本省諮議局用呈諮議局知會

選舉章程與選舉諮議局選舉議員頗有更勳志隘不及詳載



諭委楊紳開化王紳國珍開辦公惠局爲諭委事照得本府蒞官已將七月民情土俗畧知大概各屬府靖亂治平興學勸農教養兼施規模具在良可欽佩愧無長材以惠斯氓惟查民間重利之風爲害甚大而緩急人所時有顧一時之艱窘方將感貸者之惠心豈能禁止雖例定三分而相沿積習亦難驟與轉移現本府擬提公款一千串文以設公惠局出借錢文用惠貧民查該紳等老成諳練一廳之望堪以勝任除出示並札諭團備外爲此合行諭委諭到該紳即便遵照擇日開辦所有款項先由義倉提撥并刊刻圖記另文發給事關惠濟貧民慎勿忽視切切此諭

計粘單一紙

一經費 此局籌款一千串文其在何公項費內所撥所得之息卽歸何公費撥去一分以代息惟其事如有餘費暫時不必提歸仍添入作本錢轉放此款卽作該公費以一分作存款爲本局公積入於經費正款積多而無借者卽將各局所提之項歸款如先提借義倉之款卽先還楚義倉之款

一取息 現在以二分五釐爲息除本錢公積息款外尙餘五釐卽爲其局一切開支如借貸者多則除雜費外卽爲該局紳之薪水惟如無息可支至少每紳月支津貼一千

文另於他處提撥此項本錢公積不得動用分文

一借法 凡有願借此項公款者無論城鄉一有保人即准借給惟五百文一千文至三千文爲止保結即呈府署存案仍先持結赴該局蓋用圖章再投本府親批蓋戳由該局遵批發錢一面登記印簿存局中仍將印結繳案惟三個月滿照數繳還本息不得短少如違即責保人賠償實係一時無力准即繳息轉結如果再違即行帶案嚴追一具報 既有印簿可核又有借結存案每月不必另行造送但至三個月滿則由局造具四柱清冊將存款借款息欸公積款一一詳列並將辦理情形稟費存案不得絲毫朦混

一立案 此局成立通稟立案即將該紳銜名開報惟經手此事至多不踰三年即行更委一切皆由府親督料理以免弊混若借者既多仍可於一千串之外再籌添積此法先行試辦三月如不通行再予酌量行止

無告堂 棲流所

養濟院已見上其無告堂乃前同知王恂因修某祠之餘款仿養濟院之例而修無告堂於東門外光緒三十二年同知吳傳綺因其傾頽而改修之名棲流所將以教工藝



焉未竟事養濟已傾圯合其人居於內光緒三十四年不戒於火延燒民戶宣統元年  
署同知陳蔚章乃命重修舊養濟院使乞丐者移焉其地在東門外洞庭宮下去城市  
遠不擾於居民未竟工而鴻勳視事親履行無庖院落不可以優游其人而俾火之  
無患也乃爲擴充之修甯牆堅磚甃務使可以經久而無傷於風雨舍無告養濟爲額  
三十有八名并爲之圖如下共用錢貳百零八千零零六文提育嬰款壹百二十千文  
前總鎮陳海鵬捐錢二十千文經理紳宋澤森童厚培皆助錢十千文又立大榮捐錢  
一十千文石仕清捐錢五千文其不敷者以無告堂荒址易錢而補助之云



濟

養

廁  
所

廚  
房

住

住

室

室

後

正

堂

大

院 將 圖

院 落

門

住

住

室

室



化


水

義倉

廳署

水

街正





池

化龍池

水

北門

鎮署

前總鎮張士芳所為池以涼馬在北門內去鎮署不遠時在同治年間至光緒三十年前總鎮陳海鵬同知吳傳綺重修以付於紳理以備火災自城外引壩塘水入宣統元年九月同知董鴻勳會總鎮梁國楨重加修葺石為垣並為之設老丁二名以司水之疏濬俾無渴澤以防全城之火警焉伸士章厚培李瑞齡實任其勞而費不擾民間焉

施棺木局

施棺記 丁丑八月

王恂

古之時風俗敦厚鄉鄰洽比有無相通疾病相扶持至後世人情鄙薄雖死亡相繼而至戚密友無有顧而問者良堪太息永廳自設屯後人無恆產積數十年富者貧貧者益困予既設義塚邑鮮停棺然往往死而無以爲殮有某生者炎月中停尸五日助以扶券始得視含其他僻巷貧民更復不堪枚舉予傷之乃首出廉俸招商購木下令邑民死無棺者贈之繼又益以掩埋費或涉訟理屈則令輸助以贖前愆久之經費亦集自元年四月至三年九月共用棺一百四十餘具支緡錢四百三十串予又懼其暫而不能久也復置屋一所歲得息二十二串又置公產歲得穀三十石章程既定屬大令王君汝成明經匡君德馨等經理其事先以餘錢百緡及存棺五十餘具授之夫拋骼埋鬻見於月令其在詩曰凡民有喪匍匐救之誰無惻隱忍不相恤而令死者暴露含恨九原應人士非不好善特無老成爲之倡率耳近聞江南善有所謂賒棺者詩書子弟猝遭大故束手無策既不忍儉葬其親而又顧恤顏面不欲求援親友則以善棺賒之事後徐徐清償不加催促則又善中之善願諸君推而廣之以垂不朽積德豈有量

哉 現由童紳厚培經理

施棉衣處

固知王恂於光緒四年捐出錢二百千文以一百千發商生息每年購備衣二百件繳  
府隆冬發給各貧民此欸現存商民吳藏發家

又一百串照月三分行息發商生息另設孤貧四按月分取此項息錢此欸現存  
唐永發三家惟唐永發一家故絕一股之錢三十三千三百三十三文無着

劉松太  
楊恒升

鴻勳至永綏求所稱循吏者未有及太倉王恂者當時之削平大難爲讒謗所傷及今  
祠位雖存而口碑已沒譁囂之稱豈有定評哉竊觀其所爲皆百年之計取其實事尤  
要者一一存之以示後人